

## Universitätsbibliothek Paderborn

**De Honore, Dignis Vel Indignis, Jvste Vel Invste, Deo  
Semper Jvstissimo, Dato, Negato, Violato**

**Stengel, Georg**

**Ingolstadii, 1650**

§. 6. Mortui loquentis atq[ue] ad vitam excitati, de innocentia,  
testimonium.

[urn:nbn:de:hbz:466:1-48689](#)

*Nonne lex naturalis præcipit, quod ab alio  
oderis tibi fieri, ne tu alteri facias? Nolles Tob. 4.  
tu hac alios in te regula collocutionis iudicari,<sup>16.</sup>  
cur igitur ipse lege tam prava iudicas uxorem  
tuam? non sinneres tu hoc testimonio te de adul-  
terij crimine vinci: Cur igitur in coniugem-  
tuam eiuscemedi & testis & index extitisti?*

Si vita hominis à tam leui coniectura pendet, S. Thom.  
millies occidi meruisti. Praterquam, quod, ad 2. 2. q. 60.  
aliquem in iudicio condemnandum ad pœnam, art. 3. &  
certitudo requiratur, per idoneorum testimoniū,  
probationem. Quod quia tu neglexisti, reus  
innocentem damnauisti, neque iam illa est adul-  
tera, sed tu homicida. Itaque uxorem à pœna  
absolue, tu pœnitentiam age.

§. VI.

*Mortui loquentis atque ad vitam excitati, de  
innocentia, testimonium.*

Non facile in contrariū mouentur magni domini, & magni peccatores: illi ob superbiā, qua se putant errare non posse; isti ob contumaciam, qua obdurscerunt. Quare cùm Vdalricus Comitem verbis non posset corrigerē, prodigio rem transegit. Ita igitur silentem est allocutus: Quandoquidem sermonibus nihil proficimus, visne errorem tuum agnoscere, si hoc, toto iam anno, emortuum

*X s atque*

atque effætum caput, quod uxori tua catenis,  
tamquam infame adulterij monumentum,  
& horrendum monile, ad collum alligasti,  
*innocentia suam loquendo reddiderit testam?*  
Quid h̄ic exciperet Comes? spopondit.  
Sponsione facta, D. Vdalricus facellanos ali-  
osque sacerdotes comites hortatus est, ut  
Deum ardentissimis votis rogarent, ne ad  
hōnorem nominis sui, ac populi circumstan-  
tis bonum (erant quadraginta in loco præ-  
fentes) antiqua renouare miracula dedig-  
naretur. Itum est in preces. Nec diu distulit  
exaudire seruum suum Deus, sed per ampu-  
tati capitis putrem iam linguam eiuscemo-  
di vocem edidit. *Ego cum hac femina non pec-  
caui.* Quasi tonitru audiuissent, ita attoniti  
omnes steterunt. Sed D. Vdalricus etiam ca-  
dauer occisi iussit afferri, quod sub patibulo  
sepultum exhumatum est, & afferi impos-  
tum in triclinium illatum, tum caput à mu-  
liere demptum ad trunci corporis pedes, de  
more proiectum est. Sed ô potentiam Dei?  
nemine manus adhibente, sponte sua à pedi-  
bus ad ceruicem accessit, illiq; ita repente  
coaluit, ut homo, duodecim menses mor-  
tuus, illico reniuiscens surrexerit, Comitem  
que in hęc verba compellārit: *Domine comes,*  
*innocentia*

innocentissimam & integerrimam Coniugem tuam iniuste indicasti, & indigno supplicio crudeliter affixisti; nihil illa in te umquam peccauit, sed tu in illam. Dici non potest, quis tunc in omnium animis motus, quæ vox, qui gratulantium atq; Deum laudantium exorti sint clamores. Alij innocentium vindicem, alijs patientium coronam; alijs derelictorum defensorem Deum celebrarunt, qui deducit ad inferos, & reducit, alijs deinde Vdalricum ipsum laudibus extulerunt; alijs deniq; diuinæ proiudentiæ gratias egerunt, qui talem hospitem adduxisset. Rediit tunc afflictissimæ dominæ color, rediit animus, & decus; quam vberrimè lachrymans, & ad genua eius accidens Comes, veniâ suppli- citer petitâ, tanto in thalamum honore re- cepit; quanta priùs ignominia iniuriaq; à se se repulit ad canes, & repudiauit. Habita est postea non solum in veneratione, ob innocentiam, sed etiam pro sancta, ob patientiam. Siluit enim toto anno, tam diriter tra- ctata, neque umquam innocentiam suam obtendit, neque viri iniurias accusauit; vt hoc ipsum pro maiore miraculo sit existi- matum, quod femina illustri sanguine ori- undat tantum dedecus; mulier delicate emu- trita

trita tam asperum vitæ genus potuerit  
æquanimiter tolerare; quām quod alter sit  
ad vitam reuocatus. Etsi enim hoc contra  
naturæ est leges; illud tamen plus quām fa-  
mineam exigit virtutem. Et vxorem qui-  
dem suam Comes recepit; Nobilem autem  
illum numquam de iniuria sibi illata que-  
stum ( quòd in altera vita iusti iudicij diuini  
arcana inspexerit, & nouerit, cur Deus eam  
sibi necem parari permiserit ) D. Vdalricus  
secum Augustam perduxit, vbi in æde sum-  
mâ B. Mariæ dictâ consecrataque, Numini  
eiusque Matri gratijs agendis seruituit, eo  
officij genere, quod Germani quidem dicit  
Stüelbrüeder appellant, nos autem custo-  
des templi possumus nuncupare. Post obi-  
tum autem S. Pontificis Vdalrici, ad sepul-  
chrum illius, reliquum vitæ adhuc viginti  
septem annis prolongatæ, & in omni gene-  
re pietatis exercitæ dedicauit. Ita hospitio  
receptus D. Vdalricus, matrem familias in  
gratiam mariti, maritum ad poenitentiam,  
Nobilem iniuste occisum ad vitam reduxit,  
ignominia iniuriaque omni in maximam  
Dei ac innocentium gloriam conuersâ.

§. VII.